

KUMPUAN
KHAWTLANG NUN
SIAMTHAT

YMA

AW



SECC NEIH TUR CHUNGCHANGA SENSITISATION WORKSHOP

Chanmari West, October 02: India rampum huapa Socio-Economic & Caste Census (SECC) neih tur chungchangah State Level Sensitisation Workshop buatsaiah a ni a, he workshop hi Pu V. Lalremthanga, Addl. Secretary, GAD leh State Nodal Officer, SECC - 2011 nibawk kaihruaina hnuaiah vawiin khan I & PR Auditorium-ah hman a ni.

He workshop-ah hian DC, Charge Officer, National Trainer, Master Trainer, RD Department, UD & PA Department, Directorate of Census Operations leh NIC hotute an tel a ni.

Socio-Economic & Caste Census 2011 hi Mizoram ah chuan 1.11.2011 ah tan theih beisei a ni a, tehfung hrang hrang hmanga chhungkaw tindinhmun belhchiantum a ni. He chhiarpui pawimawhem em nachhan chu sorkar laipuiin Five Year Plan chhunga hmasawnna leh mirethei chhawmdawlina policy fel tak a duan theihnan he census data hi a hmang dawn a ni.

SECC 2011 atan hian Mizoram ah chuan GAD chu Nodal Department atan ruat a ni a, Nodal Officer atan Pu V. Lalremthanga, Addl. Secretary, GAD chu ruat a ni. Thingtlang (rural) area zawng zawng chu RD Department lamin an chhiar ang a, khawpui (urban) area zawng zawng (23 Notified Towns) chu UD & PA lamin an chhiar thung ang.

SECC 2011 hi lehkhapuan hmang

lo (paperless census) a neih tura ruahman a ni a, electronic hand held device (Tablet PC) mipuite dinhmun chungchang chulakkawma ni ang. He khawl siam tute chu Bharat Electronics Limited (BEL) siam a ni a, Electronics Corporation of India Limited (ECIL) kaihruaina in khawlhi fehchhuahpui tur a ni.

ECIL lam la inpeih loh avangin chhiarpui hi 1.11.2011 ah sawn hlat a ni a, December 2011 chhunga zawh tum a ni.

Socio-Economic & Caste Census tak hi chu a vawi khatna tur anih rualin Socio-Economic Census (BPL Census tiha hriat lar) erawh chu Five Year Plan thar hman dawn apianga buatsaiah a ni thin a, tun census ah hian mipuite dinhmun dik thei ang bera phawrh chhuah tum a ni. Pu V. Lalremthanga chuan he census hi dik leh felfai taka kalpui anih theih nan kalkhawmte chu theih tawp chhuah turin a ngen a, ram hmasawnna kalpui zelna kawngah mawphurhna sang tak an neih thu leh an sulhnu chuan ram kalsiamah nghawng thui tak a nei dawn a ni a ti.

CHANMARI WEST
I LO
THLENG TA
CHANMARI WEST LOCAL COUNCIL & CWBYMA

Ni 1.10.2011 (Inrinni) zing khan Br.YMA hruaitute leh Local Council ten Chhawzinga Lui bulah Signboard an tar.



KUMPUAN SUB-COMMITTEE HRIATTIRNA

Vawiin chawhnu YFC Inkhawm (Presbyterian Kohhran) na ah hian kumpuan 'Khawtlang Nun Siamthat' bawhzuina kal zel programme hman a ni dawn a, he hunah hian Kumpuan Sub-Committee memberte leh Branch YMA Executive Member zawng zawngte kim taka kal theuh tura hriattir kan ni e.

Branch News

Tunkar lo awm tur Ni 4.10.2011 (Thawleh) zan khian Branch Executive Committee neitum a ni e.

CM Running Trophy a mi tur hnam lam zir chhoh zel a ni a, Naktuk thawhtan zing atangin, YMA Park-ah Cheraw zir tur a ni a, hemi atana thlante chu zing dar 6:30-ah kim thap tur a ni.

Zawlbul sak mekah Section hrang hrangte hnatlan thin a ni a, hnatlang hi la neih chhunzawm zel tur a nih avangin Branch YMA chuan Section tin memberte tlawngaihchhuah sauh sauh turin a ngen.

LUSUN KHAWHAR

Pu RC.Thangliana (59), Chawngbawla Section chu Ni 26.9.2011 (Thawhtan) zan Dar 11:15 khan a boral a, a kalsan tak a chhungte Chanmari West Branch YMA chuan a tuarpui takzet a ni.

Organising Committee Br.YMA Sport 2011

Vawiin tlai dar 3-ah hian CWBYMA Sport 2011 Organising Committee memberte Pu C.Lalzarliana In (Ch-Section) ah Sport Review neih pahin meeting neih tur a ni a, memberte kimtaka kal theuh turin kan inhriattir a ni e.

Sd/-Secretary



TUN KAR CHANGAWN

Nangmah leh i zirtirnaah chuan fimkhur la; chung thil tiin awm reng rawh; chutiang tiin nangmah leh i thu ngaithlatute chu i chhandam dawn zuk nia.

I Timothea 4:16.

Editorial Board
Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpuia
9612359161

Jacob Lalrinsanga
9612319779

Production Manager

R.Lalhmachhuana
9436151817

Branch Office Bearer
President

T.Ngurkhuma
9436190843

Vice President

R.Lalhmachhuana
9436151817

Secretary

RL.Thanhnuna
9436152760

Asst. Secretary

K.Darthantluanga
9436196071

Treasurer

C.Lalzarliana
9436142049

Fin.Secretary

Lalthuamluua
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khiangte

Nang erawh chu engkimah jumkhur la, hrehawm tuar la, Chanchin Tha hrilu lam hna thawk la, i rawngbawlna kha hlen rawh. II Tim 4:5

Editorial :
'Hmasawnna'

Hmasawnna hi a mah mai chuan a rawn thleng ngawt thei lova. Mihringte hian kan tuma kan tih a, kan thawhchhuah a ngai a ni tih kan hre theuh awm e. Tunlai hian kan Branch YMA chuan theihtawp chhuahin YMA memberte tan leh kan tu leh fa lo la awm zel tur tan ZAWLBUK chu theih ang ang in a chhunzawm mek zel a. Vengchhung chhungkaw tinah he zawlbul sakna tur hi khawn mek zel a ni bawk a. Nu leh pa te pawhin kan ngaipawimawhin kan phur tlang hle a ni tih han hriat hi chuan a lawmawm takzet a ni. Hetihlai hian thenkhat tlirna tlang dang atang chuan 'heng ang khawn fo mai hi a tul em maw ni le' tih te pawh a awm thei awm e. A ni lah taka mipui hi kan thuhmun fo theilo a ni tih chu kan hre theuh awm e. Mamawh ti lemlo tam tak hi chuan han ngaiantuah chiang ta ila, nakin zel a kan tu leh fate hian punkhawmna tur hmun pawh neilo in khawi school ah emaw thil tih ngai ta fo mai ta se, tute nge an dem tak ang? Tun huna hruaitute emaw an nu leh pate emaw hi a ni ngei ang le. Chuvang chuan thanghar lo la awm zel tur te tan hian kan phak theuh ah tan lak thar i tum theuh teh ang u.

Article : C.M. RUNNING TROPHY CULTURAL DANCE COMPETITION INTIHSIAKNA HLA

- C.T. Vawra Zote

Tun tum C.M. Running Trophy Cultural Dance Competition, Art and Culture Department leh CYMA ten intihsiaikna tura an Hla thlan - Chawn Hla, Lam hla leh Tinna hla te hi a chanchin tlangpui kan hriat tlan atan tarlan thanin ka hria a. Chung zingah chuan Tinna Hla, a Historical Background leh a thu awmziate tlemte lo tarlang hmasa ila a tha ang e.

A hmasa berin heng hlate hi HMAR hla an ni a, Zo hnathlak zinga Hmar hnamte hian hun pawimawh chi hrang hrang an nei a, chung zinga pakhat chu **Khawtlang Intihlimna** hi a ni, chutah chuan hun pawimawh bik chi hrang hrang an nei leh a, chung an intihlimna hunah chuan hla bik te pawh an la nei hrang zela, chung hla te chu: **Sikpuilam, Hranglam, Darlam** leh **Buthukhuanglawm hla** te hi an ni. Tichuan, tuna "Tinna hla" kan tih hi Sikpuilam tawp lama mia ni a, kan chian leh zual theih nan Sikpuilam chanchin hi tlemte lo sawi hmasa ila a tha ange.

Sikpuilam hi sakhaw lam thil pawh ni lovin, khawtlang lam thil intihlimna atana Hmar hoten a an hun pawimawh leh nghahhleh em em a ni a, KumAD 950-986 lai vela China rama Shan State a an awm laia an chin tan niin an sawi a. An tih tanna chhan hi sawi dan chi hrang hrang a awm a, tawi te te in chungte chu lo sawi ila.

Sawidan Pakhatna: Sawidan pakhatna ah chuan, China ram a Hmar hote hi an awm laiin Tam a tla vak mai a. Riltamin mi tamtak an thi a, kum khat a liam hnuah chuan Ran vulh leh Buh leh Balah an lo haus a ta em em a, chuvangin khawtlang intihlimna ruai ropui takin an buatsaih a, an buatsaih hun lai hi thlasik vanglai tak a ni avangin a hmingah pawh "**Sikpuiruai**" an ti ta a ni. "**Sikpui**" tih hi "**Thlasik (Winter)**" tihna a ni avangin, "**Thlasik laia ruitheh**" sawina a ni thei bawk a.

Sawidan pahnihna: Sawidan Pahnihnaah chuan, Tam a tlak vak hnu a Ran vulh leh Buh leh Bala Pathian malsawmna an dawng nasa a, a bikin Buh-ah malsawmna an dawng nasa zual a, chu an Buh chu a thain a senga tan nasat a tul a, an Buhsenglai chuan Ruai hial an buatsaih a, an buatsaih hun lai hi thlasik vanglai tak a ni avangin "**Seng (Harvest)**" tihna a ni a, "**Buhseng Ruai**" pawh a tih theih tho ang chu.

A engpawh chu nisela, hetih hunlai hian khawtlang huapa intihlimna ruai ropui tak an theh thina chu chu "**Sikpui Lam**" a lo chhuahna bul chu a ni ta a ni. Chu an Ruai theh chu thlasik

laia Ruitheh anih avangin "**Sikpui Ruai**" an ti ta mai a ni. Tichuan, kan sawi tawh angin "**Sikpui**" chu "**Thlasik**" tihna a ni kha.

Tichuan, Sikpuilam hi kum tinin an hmang thin a, Sikpuilam an neih dawn chuan a hma reife atangin nasa takin an lo ur lawk a, Nu hovin a tam thei ang ber Zu an lo sa a, Nula leh Tlangvalin nasa takin hla leh lam an lo zir lawk bawk a, chu Sikpuilam chu an lo urlawk nasa hle a ni tih chu an hla atangin a hriat theih a, hetiangin:-

*"Sikpui Inthang kan ur laia,
Chang Tuipui aw, Senma hrili kang intan"
"Sikpuiruai kan urlawk laiin,
Tuipuisen chu a lo kang chata: tihna a ni.*

A sei lutuk dawn avangin, an **Hman dan** te, **Buantlaw hla** chanchinte, **Hawnna hla** (Opening Song) chungchangte, **Hla serh**, chung changte, **Hranthli hla** chanchinte, **Lamtluang hla** chanchin te, **Saia ke per/khawn hla** chanchinte, **Chhimchhak hla** chanchinte, **Tangkawn Vailak hla** chanchin te, **Hran hla** chanchin te chu nidanga sawi leh turin kalkan hriv phawt ila.

Tun tumah chuan Sikpuilam ropui tak chu an lo hmango ta a, an tin darh a lo hun ta a, an in ui em em a, chuvangin Tinna hla (hla phum) an tih bawk chu sa in an Lunglen thute leh nuam an tih zia te chu hla a sa chung zelin inngeih leh inthlahlel takin an inthen darh ta thin a ni. Chu an inthen darhna hla chu "**Tin rei aw**" tih hla hi a lo ni ta a ni.

- "Tin, rei aw, tin ta rei aw kei nghaknu hai,
Indi Ar ruol angin tin ta rei aw,*
- "Thlangfa faisawn hawi takin tin ta rei aw,
Indi Ar ruol angin tin ta rei aw,*
- "Nghaknu senfen hawi takin tin ta rei aw,
Indi Ar ruol angin tin ta rei aw"*

A mizo (Lusei) tawnga a awmzia chu hetiang deuh hi a ni.

*"I tin tawh ang u, Nula Tlangvalte i tin tawh ang u,
Ar thian dun Inngai leh Inngeih tak angin i tin tawh ang u"* tihna mai a ni.

NEUVA

☞ Pi.Charliani (LS.Bakery) te chhungin an pa Pu.Lalbiaktluanga Hauhnar hriatrengnan Steel Almirah tha tak Section tan an rawn pe a, an lawm hle.

☞ An hruaitu Tv.Lalhmingsanga Pautu ruangzuia Vairengte a zin pawh dam takin a lo haw leh ta.

☞ Inrinni National Voluntary Blood Donation Day khan Doordarshan Kendra-a Discussion neih ah Audience ah tangin Section sumtuakna neih a nia, Section tana fechhuak zawng zawng, lirthei thawhchhuahpuitu zawng zawngte chungah leh inhlawhna hmunsaktu NI.R.Zodinpui te chungah lawmthu an sawi.

☞ Karleh hun remchang hmasa berah Section Committee koh tum a nia, hruaitute hunlo in siam turin an in chah

☞ Pi.Lalsailovi Health Worker atanga Health Supervisor-a kaisang chu an lawmpui hle a, Bukpui ah Post a ni.

☞ Pi.Lalsailovi te chhungin an nau Lalramnghaka Pautu tuamna puan pahnih Section ah an rawn pe a, an lawm hle

☞ Turning Point-a lirthei dah thinte a bulhnai awmte leh Motor Turn tur tan a hnawk sak thin avangin zanriaka dah tawhlo turin an in ngen nawn leh.

☞ YMA Zawlbul Fund October thla chhunga khawn fel tur a nih avangin chhunginte lo ngai pawimawh tur leh a Bial vawngtute vawi hnih thum tal khawn nawn leh turin an inchah.

☞ Pu.HK.Thanghleia te chhung Mission Vengthlang atangin Pu.Thangkhuma in (Pu.HVL Zasanga Inbul)H/No-N-104A rawn awm tharte chu Section tan mi tangkai tak an nih an beisei.

☞ YMA Zawlbul Point-a Gas sem leh hunah SI.No.112 -128, 1-39 inkarte lo in ring turin an in hriattir.

☞ Zuangtuikhur-a insu thin leh lirthei sil thin a la ni a, thianghlim tak leh felfai taka hmang thin turin an in ngen.

CHAWNGBAWLA

☞ Pu RC Thangliana'n Cancer natna avanga a boral san chu pawi an tiin a chhungte an tuarpui takzet ani.

☞ Section Jersey la thehlut lo an awm a, thehlut thuai turin an in hriattir.

☞ An Committee Member Tv HV

Lalremruata chu a khup na avangin Civil Hospital ah a awm mek.

☞ Thla tharah hian Zawlbul Fund an rawn khawn leh dawn a, Chhungtin ten lo ngai pawimawh hram hram turin an in ngen October thla hian khawn zawh hman tum ani.

☞ Section Khuangpui leh a te awmna chin hriat ani lo a, lo kawl kan awm emaw a chin hria kan awm anih chuan hruaitu te hriattir nise.

VANAPA

☞ Branch Sport ah a pumpui a pakhatna an ni thei chu an lawm takzet a, theihtawp chhuah a Item tina tel te chungah Section in lawmthu a sawi.

☞ Sport na a Motor phal taka hman tir tu Pu P.C Lalsanga te, Pick Up a ni leng a viltu

Pu Lalzuliana te leh mi inphal mi dang dang chungah lawmthu an sawi.

☞ Karleh ningani khian rokhawlhna buru tak a awm anih loh chuan Pu H. Vanlalvena inah Section Committee koh tum ani a, Comittee member te lo inring lawk turin an inchah.

☞ Zirtawp zing khan Branch in Zawlbul kan sak mekah Section hnatlang neih ani a, Member thahnem tak an thawkchhuak.

☞ Section Jersey la kawl kan awm chuan, Tv Mangheta'n dah fel that a duh tawh ania.

☞ Chhiatni a Khawhar in kal, Chhiatni Buhfai khawn leh hnatlang leh activity hrang hrang ah Member te tanlak na ah Section in lawmthu a sawi a, tan la lehzual sauh sauh turin an in chah.

☞ Pu Lalruatkima (Pi Lianzothangi tupa) ten Fapa an nei thar.Pu Jimmy Vanlalhruaia, Civil Hospital atangin Synod Hospital, Durtlang lamah a in sown chho.

☞ Zawlbul Fund Section hruaitu ten an rawn khawn leh dawn a, Chhungtin ten phal taka thawhawm lo thawh chhunzawm zel turin an in ngen nawn leh ani.

TAITESENA

☞ Karleh hun remchang hmasa ah hian section committee neih tum a ni a, hruaitute hunawl lo insiam theuh turin an in ngen.

☞ An hruaitu Pu P.Lalramliana chuan Motor(Pick-up) tha tak mai a nei thar a, an lawmpui hle rualin

(T-Section Report cbbunzawmna)

section tan pawh tangkai tak a nih an beisei.

☞ Hruaituten zawlbul fund kan khawnsa aranglamin Leader hnenah thehluh i tum theuh ang u. La tifel lo te pawhin tunkar thlathar lo awm tur ah hian khawn leh a, tihfel thuai tum turin an in ngen nawn leh.

☞ Chhunginte mahni in leh a vel vawng thianghlim tur leh bawlhhlawh a paihna hmun tur dik taka paih hram hram turin an in ngen.

LAWMTHU SAWINA

Kan fapa Lalramngheta'n min boralsan chungchangah Chanmari West Br. YMAlah vengchhung nu leh pate'n theihtawp chhuah a min buaipui avangin kan lawm tak meuh meuh a, chumi piahlamah KUANG mawi taka min siamsaktu YMAt-e leh, pangpar mawi tak min petu Chanmari West Br. MHIP te chungah kan lawm takzet a ni. Kan chunga in thatna hi kan sawi seng lova, kan rul seng hek lo che u. Lalpan a let tam takin malsawm che u rawh se.

In khawngaihna dawngtu

Thanhlira te chhung
Vairengte

ZCC NEWS

☞ An hruaitu Pu Zonunmawia'n fapa thar a nei chu an lawmpui hle.

☞ Vawiintlai dar 3:00 hian Club hruaitu zawng zawngte Pu Zonunmawia 'V' Section te inah kim taka kal khawm vek tur a ni.

☞ Club hruaitute leh memberte YMAlam zir ngaipawimawha tan la thar theih turin an innge.

CWSC NEWS

☞ Hun remchang hmasa berah Committee neih tum a ni a, hruaitute hunawl lo insiam turin an in ngen.

☞ Volleyball Players te Ni 3.10.2011 (Thawhtan) tlai dar 4:30 atangin Practice tur a ni e.

☞ Aizawl District Athletic Association in Chanmari West Sporting Club Volleyball te inhlawhna atan a line marking in hlawh nan min siamsaka he ta min buaipuitu Pu H. Lalramhluna chungah lawmthu kan sawi tak meuh meuh a ni.

Kan ning hran lo hle niin a hriat

T-a

Kan mamawh viau niin a lang; kan hlim tlang em mai. Thla tina tih tlut tlut chi phei chu a ni lo va, sum leh tha a heh lutuk. Mahse, kum tina neih chhunzawm zel atan chuan thil tha tak niin a hriat. 'Branch Sports' kan neih khat tawh deuh vang nge kan kham lo tlang viau niin a lang tel bawk. Ning viau leh tul ti lem lo an awm a nih pawhin thilmak em em phei chu a ni lo va, mipui kan thu hmun fo thei lo.

Heti zawng hian ngaihtuah chhin ila; veng chhung pelin khawi lai intihlimna hmunah emaw hruitute intuai tharin kan feh chhuak a, thusawi tha tak tak ngaithlain tlaiah chaw hlui kan kil ho. Thil tha a ni a, thil thaas sum sen hi YMA ze pawimawh tak pakhat a ni a, mahse, eng nge rah chhuah a neih tih hi kan sawi zui a ni fo thin. Intuai tharna hun hi tun kum hnih thum chhungin kum tin deuhthaw hruituten kan hmang a, kan branch office bearer-ten thahnem an ngai hle.

Hmun nuam tak, tuichen theihna, hawi thawven theihna leh vah vela a bil bila inkawmna hmun thaah kan feh chhuak thin. Chhun khaw lum atanga tlai hun tha zawng zawng nen lam inkawmna hun urhsun hmangin, thu tha infah nan hun pum kan hmang tluan a ni deuh ber a, a zawk meuh chuan chaw ei a hun chawpchihih a, haw a hun zui leh mai. Hawi thawvenna hman a awm meuh thin lo. Hruitute tum ber leh insenso chhan lam ai mahin heti ang hun hmangtute sawi zui dan ka hriat ve atang chuan ninawm tihna a lian zawk viau niin a lang.

Eng emaw hun bik kan hman chang hian kan branch hian hun hman leh duan kan thiam ve lo emaw tih a awl fo; thu tha leh zawn tur hi hruitute chin ngat phei chuan kan hre hlei hlui deuh vek. Eng emaw bik inhriattir ngai leh infuih tharna tur chin erawh a awm thin; darkar chanve emaw a tam berah darkar khat emaw vel hi hun urhsun leh serhhran bik atan hian hmang thiam ila; hun awl tam zawk kalkhawmten neiin kan duh zawn leh nuam kan tih danin hmang thei ila kan duh tlang viau niin a hriat.

Hruitute chinah inven a ngai lo va, ven ngai khawp a awm a nih chuan inhmuh chhuahna tur a la nei tihna a ni. Duan lawk loh hun awl leh thawl tha mihring hian kan mamawh a, inpawhna, thawhona, phur tharna, thahnem ngaih lehzualna thlengin a thlen thei. Hruitute chin kalkhawmte thu tha kan inhriih a, kan fuih chaw hnu thak mai hi tunlai khawvel nen a inmil chiah tawh lo mai thei.

Hruitute chin kalkhawmngat phei chuan dan pela chet duhna emaw, veng hmai tibal thei emaw tih duh khawpa rilru fim lo pu, awm lo tura ngaih a ni. Intuai tharna hunah hian inkawm nan darkar khat kan hmang a nih chuan hun awl darkar khat leh a

chanve tal siam a tha mai thei. A thenin tui an cheng ang a, a then khawi laiah emaw an duh zawng sawiin an inkawm ang a, a then an nui ho ang a, a thenin kan branch YMA chungchang an sawi ang a, a then khawi khawiah emaw ramri pel lovin an vak kual ang a, nula leh tlangval, pa leh nula pawh an infiam ang a, heng hun awl kan hman dan hrang hrangte hian kan hriat loh lamah branch hruitute tum ber thawhona tha leh thahnem ngaihna thar, he veng nuam tihna thlengin a hring chhuak thei. Khuahkhirhnaah thahnem ngaih reng a harsa a; ninna hmunah eng thu mah rilruah a lut tak tak thei hek lo.

Hruitute mai ni lo member nawlpui huap zo 'Sports' hun hlimawm tak kan branch hruituten an ruahman a, hlawhtling taka zawk a ni ta hi thil lawmawm a ni. He sports-ah hian mimal thusawi leh thiltih aii member-ten chanvo an ngah zawk a, hlim tak leh tang takin kan inau phur a, hruituten member-te tan thahnem ngai takin an tui loh leh chak loh thleng thlengin hma an la.

Nuam ti ber chu he huna chanvo nei tam member-te kan ni a, member-ten nuam kan tihtheihna hun min buatsaihu hruitute kan haw thei lo va, kan dem thei hek lo va, kan sawisel ngawt dawn lo. Chubakah YMA thiltiha la tel tam lo naupang zawk, he sports-a chanvo neite hi YMA-ah he hmanrua hian a hnuk hnai ang tih ka ring a, a zawk zawk chu theih loh mah se hun kal tawha sports kan neihai thil thlen tawh dan atangin rinhlelh rual a ni lo.

Sports hi hmanraw tha ber tihna phei chu a ni lo va; mahse, member nawlpui chet chhuah a, a huhova intihlimna tur thil dang rawt chhuah tur erawh tun dinhmunah vang tak a ni.

YMA sports khel lova kum tin kan neih lai khan kum tinin player an chhuak thar reng a, tunhnaiah neih khat a nih tak deuh avangin an vang ta deuh niin a hriat theih. Chu vangin infiamna lam zawnaga thlir phei chuan thil tha tak a ni chiang a, YMA sports hi englai pawhin player-ten an hlut lo ngai lo.

Kan hruitute buatsaih chhan ang ngein he sports hian member inkarakh innelna leh inpawhna tha a thlen lo thei lo va, inhriat chianna tha zawk pawh a hring chhuak dawn tih a chiang. Chutih laiin rah tha a chhuah lo a nih ngat chuan nuam ti taka hmangtu member-te thiam loh a ni ang.

Tih that kan neih ve changa kan chunga lawmtha sawi thin kan section leh branch hruitute chungah pawh hian member, he sports hluttute hian lawmtha sawi let ve kan ba tih pawh hriat tel atan a tha hle a ni. Kan duhna leh chakna thawm an hriat avanga hautak leh tha leh zung tam tak senga heti ang hun hi member-te tana huaihawt a ni si a.

HETAH HIAN SMS LA

>>9774170328<<

→ Kan vengchhung N-Section Zuangtuikhur hi section hnatlanga hiahfai a hun tawh viau lo maw. Tin, inbuala insu thin te pawh hian laklawh changa in atan kan chawi thin tih min hriatsak a min dimdawisak hram turin ka ngen a che u.

857570_63

→ Thlanmual hlui samfai hnatlang hi neih a hun leh tawh khawp mai in ti ve lo maw.

961547_45

→ En teh u....LS Bakery thlang a khu vawkin an sa leh ngut tawh mai, a thlanglam leh vantlang kawnga kal te tan a rimchhiat dan tur an dawn phalo em maw ni le..

986212_30

→ Kumin chhunga Section chak ber chu V hi a niin ka hria, section wise ah an chungnung ber a, activities hrang hrangah a chungnung khawp mai.

961231_79

→ Kan Branch YMA hian adviser kan nei ve a, vengpum huap thalai (YMA member) intihlimna leh hmasawnna tur programme-ah thalai ten an hmel kan hmu ve lo kha min tuipui ve lo ka lo ti deuh a ni.

943635_21

→ V-Section ah hian Zurui bengchheng siam thin leh mahni chhungte pawh zahlo taka ti thin kan la awm hi sim a hun tawh khawp mai. Nangmah i in tihmualpho bakah i chhungte leh veng i ti hmingchhe khawp mai.

879459_33

→ Khuangchera Section Bungraw In bul kawng kawi lai tak chhia hi siam theih dan a awm tawh mial lo maw? Motor kal a buaithlak thin khawp mai.

986210_21

(SMS kan dawn te hi Ed. Bd
ngaihdan a ni vek kher lo)

INSAKNA HMANRUA

Brick, Balu leh Cement
tlawm tak leh tha tak kan
zuar e. Engtiklai pawhin pan
theih reng kan ni.

Kawipui, Chanmari West
Chawngbawla Section

Ph.No.: (0389) 2346069